


憲法志料三篇

憲法志料三篇

神官僧侶

卷六

322.1
Ki192 R




憲法志料三篇卷六目錄

中古之三

神官僧侶之三

- 一 諸祭ノ刻限ヲ定ムル事
- 二 神願寺ヲ神護國祚真言寺ト爲ス事
- 三 讀師ヲ置キ并ニ講讀ノ供養ヲ充ル事
- 四 文珠會ヲ修スベキ事
- 五 年廿五以上ノ者五人ヲ每寺ニ度スルヲ聽ス事
- 六 疫癘ヲ弭シガ爲ニ百僧ヲ度スル事
- 七 國分寺ニ於テ金剛般若經ヲ轉讀セシメ殺生禁斷スル事



- ⑧ 八幡ノ彌勒寺ノ講讀師ノ法服布施ヲ充ツベキ事
- ⑨ 神封ノ仕丁ヲ割テ八幡ノ彌勒寺ニ充ル事
- ⑩ 八幡ノ彌勒寺ノ年分ノ者ヲ試度スベキ事
- ⑪ 藥師寺ヲソノ毎年最勝王經ノ會ヲ設ケシムル事
- ⑫ 齋女王ノ伊勢ニ參入スル去留ノ狀ヲ外記等遺漏ナク舉聞スベキ事
- ⑬ 佛舍利ヲ太宰府管内ノ國分寺及ビ諸定額ニ安置ス
- ⑭ 天台宗年分ノ度者受戒ノ後十二年出山ヲ聽サハル事
- ⑮ 大極殿ニ於テ大般若經ヲ轉讀シ殺生ヲ禁斷スル事
- ⑯ 諸國練行ノ僧ヲシテ金剛般若經ヲ轉シ藥師悔過ヲ修セ

シムル事

- ⑰ 天下諸國ヲソノ不祥ヲ攘ハシムル事
- ⑱ 文珠ノ影像ヲ綱所ニ安置シ會ニ臨テ開請セシムル事
- ⑲ 天下諸國ヲソノ名神ニ奉幣セシムル事
- ⑳ 本朝灌頂ノ始メ又天台師々相傳ノ大戒ノ初メノ事
- ㉑ 更ニ復一切經一通ヲ寫サシメテ神護寺ニ置ク事
- ㉒ 既ニ毀廢ニ從フ岡本堂ヲ改メ建ルヲ聽ス事
- ㉓ 維摩會立義得第僧ヲ舊例ニ依テ諸寺安居ノ講師トスベキ事
- ㉔ 諸寺ノ封戸及ビ田園アリテ資供ニ堪ル者ヲソノ最勝王經

法ヲ勤修セシムル事

⑤ 小野氏ノ神社ニ彼氏ノ五位己上春秋ノ祭ニ往還スルヲ
聽ス

⑥ 國分僧寺ニ於テ金剛般若經ヲ轉シ藥師悔過ヲ修セシム
ル事

⑦ 京城ノ諸寺ヲノ大般若經金剛般若經ヲ轉讀セシムル事
⑧ 相摸上総下総常陸上野下野等ノ國司ヲノ一切經一部ヲ
寫取り奉進セシムル事

⑨ 仁王經百講座ノ事

⑩ 大極殿ニ於テ大般若經ヲ轉讀セシムル事

⑪ 氣多ノ大神宮ノ禰宜祝ニ笏ヲ把ラシムル事

⑫ 經法ニ依テ經ヲ講シ別ニ諸尊ノ像ヲ陳列シ供具ヲ奠布
シテ真言ヲ持誦セシムル事

⑬ 東寺ニ入レラル、官家功德料ノ封戸ヲ割テ僧供ニ充ル
事

⑭ 去年一切經ヲ寫シ奉ラシメ今亦貞元并ニ梵釋寺ノ目錄
ニ載スル所ノ律論疏章紀傳集抄ヲ加ヘ寫サシムル事

⑮ 真言宗年分ノ僧ヲ度ス

⑯ 遣唐使ニ度者ヲ賜フベキ事

⑰ 氣比大神ノ祝禰宜ニ笏ヲ把ラシムル事

卅 十五大寺ヲノ大般若ヲ轉讀セシムル事

卅一 文珠會ヲ修セシムル事

卅二 十五大寺常住僧ヲノ各本寺ニ於テ大般若經ヲ轉讀セシムル事

卅三 彌勒寺ニ度者五人ヲ常住セシムベキ事

卅四 天台宗ヲ諸國ニ傳弘セシムベキ事

卅五 僧ノ不能ノ行并ニ三綱ノ外更ニ雜職ヲ置クヲ禁斷スル事

卅六 四天王寺ノ十禪師ヲ毎年一口宮中ノ金光明會ノ聽衆ニ預ラシム

卅七 八溝黃金ノ神ニ封戸ヲ充奉ル事

卅八 毎年仁王最勝兩部ノ大乘ヲ講セシムベキ事

卅九 東大寺真言院ニ於テ息災增益ノ法ヲ修セシムル事

卅十 五畿七道ノ諸國ヲノ名神ニ奉幣セシムル事

卅十一 五畿七道ノ諸國司ヲノ般若ヲ轉讀シ名神ニ走幣セシムル事

卅十二 香取ノ神ノ禰宜ニ笏ヲ把ラシムル事

卅十三 五畿七道ノ國內名神ノ社毎ニ僧各一口ヲ遣シ法華經一部ヲ讀マシムル事

卅十四 國分寺ニ於テ十一面ノ法ヲ薰修セシム

⑤大春日布瑠粟田三氏ノ五位己上ハ春秋ノ二祠ニ近江國滋賀ノ郡ニ在ル氏神ノ社ニ向テヲ聽ス

⑥八坂ノ東院ヲ限ルニ四至ヲ以テシ別ニ一院ト爲ス事

⑦廿箇寺ヲノ毎旬輪轉シテ大般若經ヲ讀ミ藥師ノ寶號ヲ讚セシムル事

⑧別當ヲ定テ近城諸寺ノ淫濫ヲ糾正セシム

⑨國分僧寺ニ於テ金剛般若ヲ讀ミ藥師悔過ヲ修セシメ殺生ヲ禁斷スル事

⑩真言ノ法教未ダ邊境ニ遍カラザルニ因テ毎年諸國ノ講讀師ヲ任ジ法ニ依テ薰修セシム

⑪齋院司ニ鷹二聯ヲ養テ聽ス

⑫香春ノ岑ノ神三社ヲ官社ニ預ラシムル事

⑬精進持經ノ者ヲ度シ遣唐使往還之間專心行道セシムル事

⑭遣唐使漂迴ニ依テ諸國大般若經ヲ轉讀センコトヲ上請スル事

⑮幣帛ヲ伊勢大神宮ニ奉テ成熟ヲ祈ルベキ事

⑯定額寺ノ堂舎并ニ佛像經論及ビ神祇ノ諸社ヲ修理セシム

⑰諸業選舉ノ事

⑤般若心經ヲ書寫供養セシムル事

⑥内裏ノ佛名懺悔ノ始リ

⑦多度大神宮寺ヲ天台ノ一院ト爲ス事

⑧般若ヲ轉讀シ又毎季疫神ヲ敬祀セシムル事

⑨佐突ノ驛家ニ舊ニ依テ氣比ノ大神宮ヲ建立スル事

⑩遣唐使ノ爲ニ大般若經及ビ海龍王經ヲ轉讀セシムル事

⑪國分尼寺ニ於テ安居ノ中法華經ヲ講セシムベキ事

⑫紫宸殿ニ於テ大般若經ヲ轉讀セシムル事

⑬重テ下知シテ文珠會ヲ修セシムル事

⑭最勝王經ヲ讀ミ并ニ吉祥悔過ヲ修スルヲ國分寺ニ行フ

ヲ停メ廳事ニ於テ修スベキ事

⑮伊勢ノ齋宮ノ災ニ齋内親王ヲ存問スル事

⑯齋宮ノ燒損ニ因テ伊勢大神ニ奉幣シ又多氣ノ宮地ヲ常

ノ齋宮ト爲ス可キ狀ヲ大神宮ニ祈申サシムル事

⑰宮中最勝會ノ講師ノ事

⑱文珠會ノ料稻ヲ出舉スベキ事

⑲清凉殿ニ於テ始テ灌佛ノ事ヲ行フ

⑳神社ヲ修造セシムル事

㉑大元帥ノ靈像祕法ヲ法琳寺ニ安置シテ修法院ト爲ス事

㉒五畿内ニ命ヅテ大般若經ヲ轉シ藥師悔過ヲ修セシメ殺

生禁斷セシムル事○同亦十五大寺並ニ城外ノ崇山諸有
驗ノ寺ニ於テ讀經悔過ヲ行ハシムル事

④西寺ニ住スル僧等ハ升臘以上ヲ簡ム事

⑤金光明會ノ讀師ノ事

⑥金剛峯寺ニ燈分ヲ施シ并ニ佛聖二座ヲ供養スル事

⑦重テ下知シテ寺邊二里ノ殺生ヲ禁斷セシムベキ事

⑧春日ノ神山ノ内ニ狩獵伐木スルヲ禁制スベキ事

⑨國司講師ヲシテ相共ニ齋戒シ部内ノ諸寺ニ於テ金剛般
若經ヲ轉讀セシムル事

⑩松尾賀茂乙訓貴布禰垂水住吉雨師ノ神ニ奉幣シ雨ヲ祈

リ風ヲ防ガシムル事

⑪定額寺ノ堂舎并ニ佛像經論ヲ修理莊嚴スベキ事

⑫齋院司ノ舎人喪ニ遭ノ替ヲ補スベキ事

⑬國分寺ニ於テ金剛般若ヲ讀ミ藥師悔過ヲ修シ殺生ヲ禁

止シ天行有ルノ處ハ國司境下ニ到テ疫神ヲ防祭セシメ

又甘雨ヲ祈ル事

⑭疫神ヲ敬祭シテ咎徵ヲ禦ガシムル事

⑮講讀師己ノ職ヲ他僧ニ讓ル者又同講讀師解任ノ後未ダ
六年ヲ經ズ復補任スル者ノ制

⑯承前ノ十二人ノ外ニ妙法蓮華經最勝王經諳誦ノ人ヲ經

別ニ一人毎年度スルヲ聽シ業ニ隨テ各近江國妙法寺并ニ最勝寺ニ入ルベキ事

⑤ 仁王般若經ヲ講セシムル事

⑥ 度者ノ勘籍及ビ懺悔授戒安居等ノ事

⑦ 楯列ノ山陵ノ守丁ノ事

⑧ 万花會万燈會ノ事

⑨ 諸國國分二寺ノ僧尼ノ度縁モ死闕ノ日前ニ依テ進ラシ

ムベキ事

⑩ 東寺ニ於テ真言宗ノ傳法職位ヲ定メ并ニ灌頂ヲ修セシムル事

⑪ 山城國正月ノ吉祥悔過ヲ舊ニ復シ國分寺ニ於テ修セシムル事

⑫ 能登國國分寺讀師ノ被テ停テ講師ニ給フ事

⑬ 參河國永ク讀師ヲ任ズルヲ停メ法會ノ時ハ國分ノ僧ヲ以スル事

⑭ 大隅薩摩壹岐等ノ國島ニ講師ヲ置ク事

⑮ 居宅一區ヲ道場ト爲シ西寺ニ入レテ別院ト爲サシメ慈恩院ト名ケ又其別當三綱ノ事

⑯ 百姓等鹿薮ヲ取テ鴨川ノ水上ニ洗フヲ禁斷ス

⑰ 國庫ニ國分二寺ノ僧尼ノ度縁戒牒ヲ納ムベキ事

① 神戶ノ百姓ヲシテ鴨ノ上下ノ大神宮ノ邊ノ川原并ニ野ヲ護ラシムベキ事

② 武藏ノ國國分寺七層ノ塔ヲ再建スル事

③ 諸國名神ニ奉幣シ兼テ社毎ニ霽シテ甘雨ヲ祈ラシムル事

④ 齋宮寮ノ頭并ニ助ヲシテ大神宮并ニ多氣度會兩神郡ノ雜務ヲ檢校セシムル事

⑤ 鹿島ノ大神宮ノ權宮司モ正任ニ準シテ奉幣ノ朝使當色ヲ給フ事

⑥ 從儀ノ僧ハ八人ヲ以テ定ト為スベキ事

⑦ 定心院ヲ延曆寺ニ建ル來由ノ勅

⑧ 佛名懺悔ヲ行フベキ事

⑨ 延曆寺定心院ノ供養料及ビ燈分油ハ近江國ニ仰テ永ク支辨セシムベキ事

⑩ 定心院ニ始テ十禪師ヲ置ク事

⑪ 神琴生一人ヲ補スベキ事

⑫ 常住寺ノ十禪師ヲシテ共ニ寺家ノ雜務ヲ檢校シ并ニ濫行ヲ糾正セシムベキ事

⑬ 諸國ノ神稅帳ノ勘出ノ物ヲ填進セシムベキ事

⑭ 長谷山寺壺坂山寺ヲ定額ト為ス事

- ⑤賀茂ノ御祖ノ大社ニ御戸代ノ田ヲ加増スル事
- ⑥下野國藥師寺ノ講師ヲ置クベキ事
- ⑦多度ノ大神宮ノ法雲寺ヲ真言ノ別院ト為ス事
- ⑧松尾ノ大神ノ社ノ禰宜祝等把笏ノ例ニ預ラシムル事
- ⑨諸國ヲシテ名神ニ奉幣シ兼テ復國分二寺及定額寺ニ於テ經王ヲ轉ジ觀音ヲ禮セシムル事
- ⑩定額寺ノ堂塔雜舍及ビ佛像經論ヲ修理莊嚴スベキ事
- ⑪灌頂經ノ法ヲ修セシムル事

憲法志料三篇卷六

判事木村正辭纂輯

中古之三

神官僧侶之三

- ①淳和天皇弘仁十四年十二月廿八日少外記都宿禰廣田麻呂奉諸祭刻限二月祈年祭辰二點以前所司庶事辨備訖三點參議以上著座始行事六月月次祭卯四點以前所司庶事辨備訖辰一點參議以上就座始行事十二月同月神今食戌一點御齊院十二月用寅寅二點還宮亦同之十二月用卯卯一點宮内神祇候延政門十二月用辰辰一點二點叩門參

入祭御殿月同同月大祓未四點二月宮內神祇縫殿

等三司候延政門外申一點十二月叩門參入四點十二月

始祓十一月新嘗會與十二月同月鎮御魂酉一點十二月庶

事辨備訖二點參議以上著座行事以前右大臣藤原宣冬嗣

永以為例年中行

②同天皇天長元年九月壬申以高雄寺為定額并定得度經業等正五位下行河內守和氣朝臣真綱從五位下彈正少弼和氣朝臣仲世等言臣聞父構子終謂之大孝營公獻可謂之至忠惟忠惟孝不可不順者也昔景雲年中僧道鏡以佞邪之資登玄扈之上辱僭法王之號遂懷

窺覲之心偏邪幣於羣神偏與通行權譎於佞黨爰

八幡大神痛天嗣之傾弱憂狼奴之將興神兵尖鋒三代

交作鬼戰連年彼眾我寡邪強正弱大神歎自威之難當仰

佛力之奇護乃入御夢請使者有勅進引臣等故考從三

位行民部卿清麻呂面宣御夢之事仍以天位讓道鏡事

令言大神清麻呂奉詔旨向宇佐神宮于時大神託宣夫

神有大小好惡不同善神惡淫祀貪神受邪幣我為紹隆

皇緒扶濟國家齊代格寫造一切經及佛諷誦最勝王經

万卷建一伽藍除凶逆於一旦固社稷於万代汝承此言莫有遺失清麻呂對大神誓云國家平定之後必奏後帝

奉果神願粉骨殞命不錯神言還奏此言遭時不遇身降
 刑獄遂配荒隅幸蒙神力再入帝都後田原天皇仁光寶龜
 十一年數奏此事三代格數作數天皇感嘆親製詔書未行之間
 遇讓位之事天應二年又奏之柏原先帝桓武即以前詔普
 告天下至延曆年中私建伽藍名曰神願寺天皇追嘉先
 功以神願寺原此下行為寺名也為定額今此寺地勢涉
 穢三代格作沙泥不宜壇場伏望相替高雄寺以為定額名曰神
 護國祚真言寺佛像一依大悲胎藏及金剛界等簡解真
 言僧一七人三代格一作二永為國家修行三密法門其僧有闕
 擇有_下道行僧補之又簡真操沙彌三代格真作貞二七人令轉讀

守護國界王經及調和風雨成熟五穀經等晝夜更代不
 斷其聲七年之後預得度一則果大神之大願二則除國
 家之災難者勅一代之間每年聽度一人又備前國水田
 十町賜傳二世為功田者入彼寺充果神願者更延二世
 自餘依請類聚國史

③同二年五月三日太政官符
 應置讀師并充講讀供養事

右得僧綱牒傳檢案內去延曆十三年已往每國置大少
 國師令講安居兼檢部內諸寺十四年改國師稱講師每
 國置一人住持正法不預他事但讀師者國分寺僧依次

請之廿四年更令講師檢部內諸寺而今或講師夏中身死無人修法檢知庶事隨亦為怠伏請擇有能者補任讀師其歷任限一準講師供養者用國分寺供料若不足者充部內寺物講師供養同亦準此謹請處分者左大臣藤原冬宣奉勅依請但正月最勝王經悔過并安居等供養料依舊用正稅政事要略引交替式

④同五年二月十五日太政官符

應修文珠會事

右得僧綱牒稱贈僧正傳燈大法師位勤操元興寺傳燈大法師位泰善等畿內郡邑廣設件會辦餘食等施給貧

者此則依文珠涅槃經云若有眾生聞文珠師利名除却十二億劫生死之罪若禮拜供養者生生之處恒生諸佛家為文珠師利威神所護若欲供養修福業者即化身作貧窮孤獨苦惱眾生至行者前也而今勤操遷化泰善獨在相尋欲行增感不已望請下符京畿七道諸國同修件會須國司講讀師仰所部郡司及定額寺三綱等郡別於一村邑屈精進練行法師以為教主每年七月八日令修其事云云中納言兼左近衛大將從三位行民部卿清原真人夏野宣奉勅依請公事根源集釋

⑤同年同月廿八日太政官符

應諸國國分寺僧廿口之內令得度年廿五人事一本五下

有以上者五四字
右得大宰府解僦觀音寺講師傳燈大法師位光豐牒僦依太政官去弘仁十二年十二月廿六日符度六十已上之人既以老耄之極始入甚深之道勤學修行更無如何至於梵唄散花用音之事令會集者掩口大咲加以三綱之職事多米鹽修理堂塔料濟供養曾無強堪者破寺乏供莫大於斯望請年廿五以上者五人每寺聽度固擇才行嚴糾偽濫死亡之替相續將度庶幾駐佛日於欲沒建法幢於將倒者府加覆審所陳有實仍請官裁者中納言

兼左近衛大將從三位行民部卿清原真人夏野宣奉勅依請自餘諸國亦宜準此類聚三代格

六同六年四月丙寅勅曰如聞諸國頃日疫癘間發百姓天死出家功德不可思議宜度百僧弭此凶禍庶幾納群生於仁壽致品物於中和省寮僧綱率宗師長其道者課試之一同年分其誥誦法華若最勝王經及禪行傑焉驗聽衆者亦同預之類聚國史

七同七年四月己巳太宰管内及陸奥出羽等國疫癘流行天死稍多令五畿内七道諸國簡精進僧廿已上各於國分寺三箇日轉讀金剛般若經以除不祥已事之間殺

生禁斷類聚國史

⑧ 同年七月十一日太政官符

應充八幡彌勒寺講讀師法服布施事三箇條初文也

右別當觀音寺講讀師讀字傳燈大法師位光豐彌勒寺

講師傳燈大法師位光慧牒併件寺元無置講讀師依太

政官去年二月一日五月十日兩度符始被補任望請正

月并安居等法服布施準諸國例始從當年以大神封物

被充行者

以前左近衛大將從三位兼守大納言行民部卿清原真

人夏野宣奉勅依請類聚三

生禁斷類聚國史

⑧ 同年七月十一日太政官符

應充八幡彌勒寺講讀師法服布施事三箇條初文也

右別當觀音寺講讀師讀字傳燈大法師位光豐彌勒寺

講師傳燈大法師位光慧牒併件寺元無置講讀師依太

政官去年二月一日五月十日兩度符始被補任望請正

月并安居等法服布施準諸國例始從當年以大神封物

被充行者

以前左近衛大將從三位兼守大納言行民部卿清原真

人夏野宣奉勅依請類聚三

⑨ 同年同月同日太政官符

應割神封仕丁充八幡彌勒寺事三箇條其二也

右別當觀音寺講師傳燈大法師位光豐彌勒寺講師傳

燈大法師位光慧等牒併件寺元來不有駟仕荆棘滿庭

無人掃除况復風雷猛烈誰以防護今有神封仕丁廿四

人望請割彼六人永充駟使

以前左近衛大將從三位兼守大納言行民部卿清原真

人夏野宣奉勅依請類聚三

⑩ 同年同月同日太政官符

應試度八幡彌勒寺年分者事五箇條之第二

右別當觀音寺講師傳燈大法師位光豐彌勒寺講師傳燈大法師位光惠等，牒稱護宗廟鎮社稷大神之威無二，助神靈增威勢，大覺之德最一。是以聖朝建立彌勒寺，度年分一人以酬彼神靈，理須簡智行者，竭磨剃頭請師授戒而承前，官司不經試練，任情度補，法會之庭法用有關，轉經之日經文訛雜，徒免課役，不曾住持聖願，既闕神感，何有望請簡住神山若彌勒寺，經三年已上六時行道，心行已定之人，講師官司共試讀經，然後度補者，左近衛大將從三位兼守大納言行民部卿清原真人夏野宣奉勅，依請類聚三代格。

① 同年九月癸酉，令藥師寺每年設最勝王經之會，中納

言從三位兼行中務卿直世王奏稱，此寺淨御原天皇天

為皇后後統而所建立也。皇后近江帝天之女柔範光暢

毘贊天倫，皇帝嘉寵，建斯仁祠，而創基未竟，官車晏駕，皇

后含悲歸佛，終成寶刹。如今所入封物田地，充用有剩，學

眾稍多，說法猶少。夫大雄慈悲，不信而希應，至理澹泊，不

詮而難知，請每年開設齋筵，屈宿德演說尊經，決擇奧義，

便以在播磨國賀茂郡水田七十町，充其供料，庶扇覺風

而慰先靈，飛慈雲而增聖壽。三光縱沈，慧炬無滅，五岳如

礪，梵聲不止，諸講讀就此試定，立為恒例，詔許之。類聚國史

① 同年同月四日

右大臣藤原冬嗣宣齋女王參入伊勢者是國家大事也然則

舊例之外去留之狀外記等所舉申太遺漏無申理不容

然宜自今以後如此之類存意舉聞莫致闕怠者自餘諸大事又

準此少外記山田造古嗣奉類聚符

② 同八年三月乙巳佛舍利五百粒令太宰府觀音寺講

師光豐安置彼府管内國分寺及諸定額寺日本紀畧

③ 同年四月丁丑天台之宗年分度者受戒之後一十二

年不聽出山四種三昧令得修練之故也類聚國史

④ 仁明天皇天長十年三月丁未延百口僧於大極殿轉

讀大般若經以祈年穀兼攘疫氣也普告天下禁斷殺生

限以三箇日續日本後紀

⑤ 同年六月癸亥勅曰如聞諸國疫癘夭亡者衆自非修

善何以攘灾宜令諸國各請練行僧大國廿八上國十七

人中國十四入下國十人三箇日內一本內畫轉金剛般

若經原無經字依一本及類史補一夜修藥師悔過其布施者三寶穀十

斛僧三斛以正稅充行俾致精進續日本後紀

⑥ 同年同月甲子勅比來疫癘間發夭折屢聞宜令天下

諸國謝彼疫氣攘此不祥但加藥致齋須依前格類聚國史

⑦ 同年七月丙戌朔先是傳燈大法師位泰善設文殊會

公家相助而行之至是甫造文殊影像備之瞻仰會事畢
便安置綱所臨會開請原便作使綱作納脫請上開永為

恒例續日本後紀

①同年閏七月乙卯朔勅至于秋序洪水敗稼大風害物
古來尚在宜令天下諸國奉幣名神豫為攘防原無為字

類史勿損年穀後續日本補

②同年十月壬寅延曆寺座主僧傳燈大法師位圓澄卒
云云延曆十七年陟到叡山最澄法師師大悅即落髮為
弟子取自名一號為圓澄時年二十七焉廿四年春最澄
師入唐以後法師依詔於紫宸殿修念五佛頂法即預得

度其夏四月就唐泰信大僧都受具戒六月大唐使歸朝

秋八月宣勅令最澄師修入唐所受灌頂秘法是大法師

修圓勤操等七人為受法弟子於清瀧峯高雄寺奉為桓

武天皇修毗盧遮那秘法法師亦在其中共稟灌頂三摩

耶戒是則本朝灌頂始興之日也大同元年冬十一月於

叡山止觀院法師為上首與百餘人受圓頓菩薩大戒此

亦天台師師相傳大戒之初也類聚國史

③同年同月戊申原在丁未條依類史及紀略改緣景雲之年八幡大菩

薩所告至天長年中仰太宰府寫得一切經原寫得作得

類史至是便原無便字依古安置彌勒寺今更復令寫一

通置之神護寺續日本後紀

廿二年十二月癸未朔道場一處在山城國愛宕郡加茂社以東一許里本號岡本堂是神戶百姓奉為賀茂大神所建立也原無奉字依古本及類史補天長年中檢非違使盡從毀廢原從作徒依古本及類史改至是勅曰佛力神威相須尚矣今尋本意事緣神力宜彼堂宇特聽改建續日本後紀

廿三年同天皇承和元年正月庚辰勅維摩會立義得第僧原無立字依類史百七十八及紀略補宜依舊例請為諸寺安居講師續日本後紀廿四年同二年二月辛卯勅曰万民安樂五穀垂穎不如最勝希有之力宜令諸寺有封戶及田園堪資供者勤修最勝王

經法續日本後紀

廿五年同年同月辛丑小野氏神社在近江國滋賀郡勅聽彼氏原氏作民依古本及類史改五位已上每至春秋之祭不待官符永以往還續日本後紀

廿六年同年四月丙戌勅防災未萌兼致豐稔修善之力職此之由宜令畿內七道諸國擇國內行者於國分僧寺三箇日內晝則轉金剛般若經夜則修藥師悔過迄于事畢禁斷殺生亦如有疫癘處各於國界攘祭務在精進在精進類史作存精必期靈感續日本後紀

廿七年同年同月丙午疫癘頗發疾苦稍多仍令京城諸寺為

天神地祇轉讀大般若經一部金剛般若經十萬卷以攘災氣也續日本後紀

②同年五月乙丑勅令相摸上總下總常陸上野下野等國司勦力寫取一切經一部來年九月以前奉進其經本在上野國綠野郡綠野寺續日本後紀

③同年六月甲午講說類史講仁王經於紫宸殿常寧殿及建禮門八省院諸堂宮城諸司諸局東西寺并羅城門惣是百講座也續日本後紀

④同年同月己酉延百僧於大極殿限三箇日轉讀大般若經為祈澍雨兼防風災也續日本後紀

⑤同年十一月癸酉坐能登國正三位勲一等氣多大神宮禰宜祝二人始令把笏類聚國史

續日本後紀此條在九月今從類史

⑥同年十二月乙未大僧都傳燈大法師位空海上奏曰空海聞如來說法有二種趣一淺略趣二秘密趣言淺略趣者諸經中長行偈頌是也言秘密趣者諸經中陀羅尼是也淺略趣者如大素本草等經論說病源分別藥性陀羅尼秘法者如依方合藥服食除病若對病人披談方經無由療病必須當病合藥依方服藥類史及性靈集乃得消除疾患類史及性靈集保持性命然今所奉講最勝王經但

讀其文空談其義不曾依法畫像結壇修行雖聞演說甘露之美恐闕嘗醍醐之味伏乞自今以後一依經法講經七日之間特擇解法之僧二七人沙彌二七人原擇作釋法依類別莊嚴一室陳列諸尊像奠布供具持誦真言然則顯密二趣契如來之本意現當福聚獲諸尊之悲願勅依請修之永為恒例續日本後紀

○同二年正月壬子大僧都傳燈大法師位空海奏曰依弘仁十四年詔欲令真言宗僧五十人原十作千依古本及類史改住東寺修三密門今堂舍已建修講未創願且割被入東寺官家功德料封千戶之內二百戶甲斐國五十戶下以充總國百五十戶

僧供為國家薰修利濟人天原天下衍皇字依古本及類史削許之續日本後

○同年同月庚申去年有勅令相模上總依前勅此下恐脫下總二字

常陸上野下野等國奉寫一切經今亦貞元并梵釋寺目錄所載律論疏章紀傳集抄每國均分令加寫之續日本後紀

○同年同月戊辰大僧都傳燈大法師位空海上表請度真言宗年分僧三人許之續日本後紀

類聚國史戊辰作戊申按戊申二日戊辰廿二日也

○同年二月七日太政官符應賜遣唐使度者事

右彼使奏狀稱渡海之際險難巨虞雖皇德所覃自天祐之而利涉之資亦憑冥力望請錄事已上特賜度者各代其身以令精進者被右大臣清原夏野宜稱奉勅依請類聚三代格

○同年同月戊戌坐越前國正三位勳一等氣比大神祝禰宜準鹿嶋能登兩大神祝禰宜令以把笏續日本後紀

○同年四月丁丑勅曰如聞諸國疫癘流行病苦者衆其病從鬼神來須以祈禱治之又般若之力不可思議宜令十五大寺轉讀大般若經拯夫沈病兼防未然焉類聚國史

○同年同月己卯勅令天下諸國修文殊會其會料者每年割取救急稻利三分之一充用續日本後紀

○同年六月癸卯勅當今嘉穀初秀秋稼方實如風雨失時恐致損害宜令十五大寺常住僧各於本寺轉讀大般若經憑其靈護必致豐稔續日本後紀

○同年八月十五日太政官符

應令常住肥前國松浦郡彌勒知寺識僧知寺依一本當作寺知又

一本作彌勒知識寺五人專

右得太宰府解稱觀音寺講師傳燈大法師位光豐牒稱依太政官去天平十七年十月十二日騰勅符件寺始置僧廿口施入水田廿町自爾以來年代遙遠緇徒死盡田寺空存修行跡絕望請置度者五人令修治彼寺即鎮國

家善救遊靈者。府依牒狀謹請官裁者。右大臣清原夏野宣宜宣宜選心行無變精進不倦堪住持佛法鎮護國家之僧以令以常住類聚三

⑤同年十月十五日太政官符

應令天台宗傳弘諸國事

右傳燈大法師位義真表傳檢案內太政官去延曆廿五年正月廿二日下治部省符傳攘災殖福佛教尤勝誘善利生無如斯道夫衆生之機或利或鈍故如來之說有頓有漸開門雖異遂期菩提凡諸宗業廢一不可花嚴天台等七宗年分度者受戒之後各試其業依次差任立儀複

講及國講師者今天台一門已立國宗大乘三學流轉未周望請別當簡堪爲講讀師者各一人每年申官補之令演傳件宗其一任之內每年安居法服施料依先大法師最證證當所奏年分之式便即收納當國官舍國郡官司相共檢校將用國內修池溝耕荒廢造船橋殖樹木蒔麻紵之料然則是皇風遠振慧日再明宣揚像教弘闡妙法作菩提之由漸爲彼岸之良田謹請官裁者權中納言從三位善行左兵衛督藤原朝臣良房宣奉勅依請類聚三

⑥同年十一月七日太政官符

應禁斷僧不能之行并三綱之外更置雜職事

右檢案內太政官去弘仁十年十二月廿五日下治部省符傳威儀師六人從儀師八人者延曆四年五月廿五日符傳出家之人本事行道今見衆僧多乖法旨或私定檀越出入問里或誣稱有驗誑誤愚民非唯比丘之不慎教律抑是所司之不勤捉搦不加嚴禁何整緇徒自今以後如有此類擯出外國者右大臣清原夏野宣夫僧綱者僧尼之師範也慇懃教諭誰不順從而今綱所從儀僧負諸寺雜職剩置又大中少鎮檢校目代等之類其數猥雜因此監臨已多勞煩其費彌繁此則肆侵格制無意從行若違使遣巡檢有違犯者據法科罰下知諸寺速令改糾類聚

格

○同年十二月丙戌四天王寺十禪師準梵釋常住兩寺僧每年一口預宮中金光明會聽衆類聚國史

○同三年正月乙丑詔奉充陸奧國白河郡從五位下勲十等八溝黃金神封戶二畑以應國司之禱令採得砂金其數倍常能助遣唐之資也續日本後紀

○同年三月廿五日太政官符應每年令講仁王最勝兩部大乘事

右少僧都傳燈大法師位明福表傳轉災成福尤般若之勝力護國利民是大乘之冥助仍須每年夏初一日二時

講讀仁王般若秋首一七日間開演最勝王經使水旱無
災耕農得所風霜有時穀實豐稔望請下知京畿有食
名諸寺智行者將講件經者權中納言從三位兼行左兵衛督藤原朝臣良房宣奉勅宜下符所司依件令行要畧

引
○同年五月丁未勅去歲冬雷原雷作雪依古本及類史改恐有水害

疫氣之災宜於東大寺真言院建立灌頂場古本及類史場上有道字

置十一僧夏中及三長齋月修息災增益之法以鎮國家

永為恒列續日本後紀

○同年七月壬午勅曰方今時屬西成原脫壬午二字及類時字依一本及類

史補五穀垂穗如有風雨愆序恐損秋稼宜令五畿內北道

諸國奉幣名神攘災未萌其幣帛料用正稅長官率僚屬

自親齋戒祭如神在原戒祭如三字作或以二字依一本及類史改必致徵應續日本後紀

○同年同月癸未復勅曰如聞諸國疫癘間發夭死者衆

夫銷災青招福祐者唯般若冥助名神嚴力而已宜令五

畿內七道諸國司轉讀般若走幣名神類聚國史

○同年十月丙辰下總國言香取神禰宜準常陸國鹿嶋

神禰宜遷代相續同令把笏許之類聚國史

○同年十一月丙寅朔勅護持神道不知一乘之力原如作知

依古轉禍作福亦憑修善之功宜遣五畿七道僧各一口
本改每國內名神社令讀法華經一部國司檢校務存潔信必
期靈驗續日本後紀

⑤同四年二月乙未勅曰令人主安穩黎庶和樂不如十
一面大悲者秘密神咒之力原無者字依古本及類史補宜普告五畿
內七道諸國請淨行僧七口於國分寺一七日夜薰修十
一面之法續日本後紀

⑥同年同月癸卯勅聽大春日布瑠粟田三氏五位已上
準小野氏春秋二祠時不待官符向在近江國滋賀郡氏
神社續日本後紀

⑦同年同月庚申從五位下管野朝臣永岑言亡父參議
從三位真道朝臣奉為桓武天皇所建立道場院一區在
山城國愛宕郡八坂鄉雖其疆界接八坂寺而其形勢猶
宜別院由是道俗號曰八坂東院原無曰字依類史補伏望限以四
至別為一院置僧一口永俾護持原無護字依古本及類史補許之續日本後紀

⑧同年四月丁巳原作五月丁丑誤今依類史改僧綱奏言出家入道為
保護國家設寺供僧為滅禍致福頃者天地災異處處間
奏今須每月三旬三箇日間輪轉諸寺晝讀大般若經夜
讚藥師寶號以此奉答國恩勅報曰佛旨冲奧大悲為先

攘災致祥諒在妙典今省來奏自叶心期宜令梵釋崇福

東西大寺大恐東大寺原大作北依古本及類史改興福新藥元興大

安藥師西大寺招提本元興弘福法隆四天王延曆神護

聖神常住等廿箇寺每旬輪轉自五月上旬迄八月上旬

誓願薰修續日本後紀

○同年五月己巳近城諸寺住侍寂絕滯濫屢聞詔定別

當令其糾正原糾作紀依古本及類史改以文武官五位中明察鯁直

者充之續日本後紀

○同年六月壬子勅如聞疫癘間發疾苦者衆夫銷殃未

然不如般若之力宜令五畿內七道諸國內行者廿口已

下十口已上於國分僧寺始自七月八日三箇日晝讀金

剛般若夜修藥師悔過迄于事竟禁斷殺生類聚國史

○同年八月丙申勅曰頃年真言法教雖流傳京城三代格流

始行而未遍邊境宜選彼宗僧堪講讀及修法者每年任

諸國講讀師依法薰修其僧不限年臘唯選堪之者類聚國史

○同年十月丙辰聽齋院司私養鷹二聯續日本後紀

○同年十二月庚子太宰府言管豐前國田河郡香春岑

神辛國息長大姬大目命原大作火目依忍骨命豐古本及神名式改

比咩命惣是三社元來是石山而土人惣無至原人作水依古本改

延曆年中遣唐請益僧最澄原請作諸依一本改躬到此山祈云願

緣神力平得渡海。即於山下為神造寺，讀經爾來草木蔚鬱，神驗如在。每有水旱疾疫之災，郡司百姓就之祈禱，必蒙感應。年登人壽，異於他郡。望預官社，以表崇祠。許之日續

本後紀

同五年三月甲申，勅曰：遣唐使頻年却迴，未遂過海。夫冥靈之道至信，乃應神明之德。修善必祐，宜命太宰府監已上，每國一人，率國司講師，不論當國他國，擇年廿五以上，精進持經，心行無變者，度之。九人香襲宮二人，大臣一人，大臣二人，八幡大菩薩宮二人，宗像神社二人，阿蘇神社二人，於國分寺及神宮寺安置供養，使等往還之間，專心

行道令得穩平。續日本後紀

同年五月己未，遣唐使上奏言：使等漂迴嚴綸未允，雖風信之愆，乃是天時，而重行之累，類有冥妨。況巨海之程，艱虞無測。原測作側，依一本改。不資靈祐，何以利征。原征作往，依古本改。請令諸國轉讀大般若經。續日本後紀

同年七月丁丑，勅從彼青春，終此朱夏，雲膚屢興，雨液應作。類史作旬，隴畝之苗，秋稼可期，宜奉幣帛於伊勢大神宮，以祈成熟。續日本後紀

同年九月甲戌，勅令修理天下定額寺堂舍，并佛像經論及神祇諸社。續日本後紀

奎 同年十月丁酉詔曰人之度量器非一同識監行能各有歸趣宜智德翹楚為道棟梁者無問隱顯不限員數同共選舉其道業優潤能堪傳燈及精進苦行衆所共知每大寺簡擇七人已下具注年臘若無此類不可強舉縱雖人多同宗之人不得專舉遍詢諸業仍須綱一人每寺須顯對大衆而撰之令別當三綱并舉頭同署其帳皆三年一度造簿十月之內為例進之類聚國史

癸 同年十一月辛酉勅迺者原迺作迺依一本改妖祥屢見氛祲不息原氛作氣依古本改思民與歲忘寢與食其令黎庶無疾疫之憂農功有豐稔之喜不如般若妙經之力大乘不二之德普

告京畿七道令書寫供養般若心經仍須國郡司并百姓人別俾出一文錢若一合米郡別於一定額寺若郡館收置之國司講師惣加檢校所出之物分為二分一分充寫經料一分充供養料其米來年二月十五日各於本處屈請精進練行堪演說者開設法筵受持供養當會前後并三箇日內禁斷殺生公家所捨之物每一會處以正稅稻一百束充之庶使普天之下旁薰勝業率土之民共登仁壽續日本後紀

辛 同年十二月己亥天皇於清涼殿修佛名懺悔限以三日三夜律師靜安大法師願安實敏願定道昌等遞為導

師內裏佛名懺悔自此而始續日本後紀

○同六年正月己卯以伊勢國桑名郡多度大神宮寺為

天名一院續日本後紀

○同年閏正月丙午勅如聞原脫勅以下三字依一本及類史補諸國疾疫

百姓夭折宜令天下國分寺限七箇日轉讀般若兼遣僧

醫隨道治療又令鄉邑每季敬祀疫神原祀作禮依一本及類史改○續日本後紀

本後紀

○同年二月戊寅播磨國印南郡佐突驛家依舊建立越

前國氣比大神宮雜務停預國司隸神祇官續日本後紀

○同年三月壬午朔遣唐三艘船恐有風波之變宜令

五畿內七道諸國及十五大寺轉讀大般若經及海龍王

經待使者歸朝為轉經之終續日本後紀

○同年六月丁丑勅國分二寺建立自遠一則名為金光

明護國寺一則號為法華滅罪寺先帝救世利物之法遠

傳不朽者也而頃年僧寺安居之會獨講最勝王經尼寺

滅罪之場無說法華妙典所設法藏用有不同是忍而不

行恐修善闕如宜令五畿內七道諸國安居之會先於僧

寺講最勝王經次於尼寺講法華經所願無二無三之勝

理開示國家除災植福之大善廣被眾庶續日本後紀

○同年七月甲申延僧六十口於紫宸殿常寧殿令轉讀

大般若經以禁中有物怪也丁亥讀經訖賜物各有差復
施大法師僧度者各一人法師位以下僧各授一階續日本後

⑤同年八月庚戌朔勅曰文殊會事起自天長之年日本略
之作而今聞諸國或乖官符旨不有遵行原旨作而依類

宜重下知令以修之續日本後紀

⑥同年九月己亥勅如聞所以神護景雲二年以還令諸
國國分寺原脫一國字每年起正月八日至十四日奉

讀最勝王經并修吉祥悔過者為消除不祥保安國家也
而今講讀師等不必其人僧尼懈怠周旋非法國司檢校

亦不存心徒有修福之名都無殊勝之利此則緇素異處
不相監察之所致也宜停行國分寺而於廳事修之自今
以後立為恒例續日本後紀

⑦同年十一月癸未災于伊勢齋宮燒官舍一百餘宇遣
左衛門佐從五位下田口朝臣房富齋絹百疋綿三百屯
調布五十端存問齋內親王續日本後紀

⑧同年十二月庚戌遣參議從四位上行春宮大夫兼右
衛門督文室朝臣秋津奉珍幣於伊勢大神原無珍字依

補以齋宮燒損也又去天長元年九月原元作九依一依
多氣齋宮遠離大神宮每事無便卜定度會離宮以為齋

宮焉。今依火災卜定多氣宮地，可為常齋宮之狀。同令此使祈申於大神宮。續日本後紀

○同年同月癸亥，勅以經于興福寺維摩會講師之僧，宜

為宮中最勝會講師。自今以後，永為恒例。續日本後紀

○同七年三月十四日，太政官符

應出舉文殊會料稻事。

大上國各二千束。

中下國各一千束。

右檢案內，太政官承和二年四月五日下，五畿內七道諸國符，備太政官去。天長四年十一月十三日下，諸國符，備

中納言兼行左近衛大將從三位民部卿清原真人夏野

宣稱滅災成福事，在修善為善之功，寔德與仁，宜令諸國

簡部內僧精進練行為道俗眾庶教主者，修行件會若部

內無人遠覓比國行之其會料者，每年割取救急稻利三

分之一，充用國司講師，共加監察，不得疎畧者。右大臣清原

夏野宜如聞者，諸國或違符旨，不肯遵行，宜重下知依前符

令修之者，今被權中納言從三位兼行左兵衛督陸奧出

羽，按察使藤原朝臣良房，宣稱奉勅如聞，會集徒眾，其數

巨多，所施之物不足周急，宜出舉件稻以息利，加先數類聚

三代格

①同年四月癸丑請律師傳燈大法師靜安於清涼殿始行灌佛之事續日本後紀

②同年同月戊辰勅敬神如在視民如子國宰能事古今通規是以屢施條章觀彼治道而吏乖公平民苦疾疫年穀不登飢饉荐臻論之政述理合懲肅夫事天之則原無夫字依古補懈人之情也宜更下知五畿內七道諸國改既往之怠成方來之勤巡行所部修造神社禰宜祝等若有怠者解却決罰一依前格年中修造之數別錄言上若三年之內遣使覆檢猶有破壞者國司郡司科違勅罪續日本後紀

③同年六月丁未入唐請益僧傳燈大法師位常曉言山

城國宇治郡法琳寺地勢閑燥足修大法望請今般自大唐奉請大元帥靈像秘法原帥作師依類史改安置此處為修法院保護國家不關講讀師之攝許之續日本後紀

④同年同月丁巳勅去年秋稼不登諸國告飢今茲疫病間發一本病作疔天傷未弭加以季夏不雨嘉苗擬作焦當夫銷殃受祐必資般若之力護國安民事由修善之功宜命五畿內七箇日晝轉大般若經夜修藥師悔過長官精進必致靈感修善之間禁斷殺生戊午同亦行讀經悔過於十五大寺並城外崇山諸有驗之寺原並作兼依一本改皆悉通傳修之一七日夜為限若山寺大般若經不在之處令轉金

剛般若經續日本後紀

⑤同年同月庚午制住西寺僧等自今以後簡廿臘以上熟學之僧智行兼備衆所推讓者令住寺家永爲恒例續日本後紀

⑥同年七月辛丑勅正月金光明會讀師以持律持經及修練行禪師類史修上有久字後續日本輪轉請用後紀

⑦同八年二月戊申少僧都大法師位實惠言在紀伊國伊都郡高野山金剛峯寺去承和二年二月卅日預定額原無望字乞補畢今在深山無有燈明料望乞也故古本改準定額諸寺被施燈分并供養佛聖二座許之續日本後紀

⑧同年同月乙卯勅天平勝寶四年騰勅符云先禁斷寺邊殺生畢今如聞時序稍遠禁斷遂薄若違犯者即以違勅論者春蒐秋獮釣而不網原網作網依古本及類史改事不得已期于止殺況乎仁祠之邊精舍之前從來解脫之界非是漁獵之地如聞勢家豪民無憚憲章國宰講師不存檢校遂使寺內馳馬佛前屠禽如此滛濫不可勝言夫妖孽之臻不必自天民自取焉可爲太息宜重下知五畿內七道諸國司嚴令禁斷寺邊二里殺生如有犯者六位已下科違勅罪五位已上錄名言上不得阿容續日本後紀

⑨同年三月一日太政官符

應禁制春日神山之內狩獵伐木事。

右被中納言從三位兼行左兵衛督陸奧出羽按察使藤原朝臣良房宣稱春日神山四至灼然而今聞狩獵之輩觸穢齊場採樵之人伐損樹木神明攸咎恐及國家宜下知當國嚴令禁制者國宜承知仰告當郡司并神宮預殊加禁制兼復榜示社前及四至之堺令人易知若不遵制旨猶有違犯者量狀勘當不得容隱類聚三代格

○同年四月壬寅勅神明之感非信不通帝王之功非道何達宜仰五畿內七道諸國令國司講師相共齋戒於部內諸寺轉讀金剛般若經庶使紫宸增寶算之長原算作管依古

本及類史改 赤縣絕天折之患兼復風雨調適年穀豐登續日本後紀

○同年同月己巳勅頃者時雨不降農夫輟耕如非禱祈恐傷嘉苗宜奉幣松尾賀茂乙訓貴布禰垂水住吉兩師神令祈甘雨兼防風災續日本後紀

○同年五月己丑勅修福滅罪佛道是先傳法興教人倫

為本如聞諸國定額寺堂舍破壞佛經曝露原曝作曝依類史改三

綱檀越無心修理頃年水旱不調疫癘間發原癘作癘依古本及類史

改靜言其由恐緣彼咎原咎作咎依類史改宜重下知五畿內七道諸國修理莊嚴定額寺堂舍并佛像經論今須每寺立可

修理之程原無立字依類史補付朝集使言上習常不革並處重科

續日本後紀

⑤同年十二月廿二日太政官符

應補齋院司舍人遭喪之替事

右得彼司解俛依太政官去承和五年二月廿二日符旨

充補舍人四人而遭喪之徒每年不絕至于神事無人差

使凡司家之風尤忌穢惡重服之輩何得出仕仍移送遭

喪之由而式部省固稱無例曾不補替望請不待至考隨

關被補謹請官裁者右大臣宣奉勅依請古本類聚三代格四

⑤同九年三月庚戌勅若非攘未然恐班時失時宜仰五

畿內七道諸國簡修行不退者二十人於國分寺三箇日

間晝讀金剛般若經夜修藥師悔過原無經字依一本及類史補修善

之比禁止殺生佛僧布施以正稅充之若有天行之處國

司到境下令防祭疫神精進齋戒共禱豐稔是日遣使頒

幣貴布祢住吉垂水丹生川上等諸社同祈甘雨續日本後紀

⑤同年五月庚申勅近在物怪卜食疫氣告咎宜令五畿

內七道諸國及太宰府敬祭疫神以禦咎徵也類聚國史

⑤同年十一月戊戌勅制講讀師以己職讓僧者令終

前人之餘歷莫更歷一任原歷作經一本改又同講讀師解任之

後未經六年即復補任者取歷一同俗官六位之法並去

東洋志 卷之三 廟制
年以往被任之輩同準此例自今以後立為恒式續日本後紀
癸同年十二月丁丑勅制護持國家利益群生妙法最勝
尤居其先因茲自去延曆年中以降一十二人分配五宗
使之得度於是天台華嚴分總並駢三論法相舉翹競飛
演說者眾諳案者寡三代格案作誦宜承前十二人外妙法蓮華
經最勝王經諳誦之人經別一人每年聽度隨業各入近
江國妙法寺并最勝寺夫試定者始從序品至于竟軸咸
令諳讀若一句半偈不分明者並為不第縱三業中無及
第者闕如待後歲之能者自今以後立為恒例續日本後紀
癸同十年正月丁酉勅如聞疫癘間發夭死者多加之狂

花發兮示不祥宜始自來二月迄于九月每八日令十五
大寺及七道諸國國分二寺并定額寺名神等寺講仁王
般若經續日本後紀

癸同年三月甲寅勅曰如聞頃年之間得度之輩裹粮遠
路廻向戒所原戒作戒依古本及類史改而依無定限徒引數旬論之
物意頗背穩便今須度者勘籍三月卅日以前勘定申畢
起自四月一日七箇日之間依例修懺悔始從八日即今
授戒授戒之後會集同寺俾修安居自今以後立為恒例
續日本後紀

癸同年五月癸卯楯列山陵守丁聽隨關差京戶并浪人

以當土無人差課也。續日本後紀

百 同年同月甲寅勅充油一斛正稅三百束於故京本元

興寺六月十五日万花會十月十五日万燈會以此兩日

每年修之立為恒例。續日本後紀

百 同年六月辛酉制去弘仁四年二月勅僧尼有身死并

還俗其度緣戒牒早令進省省即年終申官毀之宜諸國

國分二寺僧尼度緣死闕之日依前令進但請補國分二

寺僧尼之闕先進度緣然後補之若乖此旨科違勅罪。續日本後紀

百 同年十一月庚子勅為護國家於東寺令定真言宗傳

法職位并修灌頂宜告諸寺嚴加捉搦若有違犯者一依

養老六年七月十日格科罪。續日本後紀

百 同年十二月庚午山城國正月吉祥悔過自弘仁十三

年依官符旨於國廳修焉始自是歲復舊。類史舊下令修於國分寺。續日本後紀

於國分寺。續日本後紀

百 同十一年二月丙辰能登國言依去年十月十七日官

符以定額寺為國分寺訖望請停讀師被給講師者勅依

請許之。續日本後紀

百 同年同月己卯參河國言永停任讀師以其布施物充

用造寺料其法會之時以國分僧臘次。分下恐將行之者脫寺字

原將作第依古本及類史改。勅依請許之。後續日本紀

○同年四月壬戌太宰府言管大隅薩摩壹岐等國嶋司

言建國任職原國嶋司言建國六字作國大小是同除災

祈福三代格災作禍彼此不異方今比國原比作北皆有講讀師

之職修正月安居等事而件國島既無講讀之職還失鎮

護之助加以國分二寺雜物觸類夥多原夥作願依古本及三代格改既

無綱維令誰檢領三代格檢領作主掌望請準諸國之例置講讀師

者府司商量所陳有理望請準管內諸國博士醫師之例

府司於觀音寺與彼講師共簡試部內僧精進練行智德

有聞原無僧字堪任講筵終始無變者將補任之者勅講

依古本補

師者依請補任讀師者莫更置之但安居齋會之日原齋

依古本及類史改依延曆廿五年三月格以國分僧三代格三月

三字分下次第請之原請作講依古本及類史改三代

○同年同月壬午參議式部大輔從四位上滋野朝臣貞

主以在西寺南居宅一區捨為道場仍言私建道場是格

之所禁也雖是舊宅事似新建但此家之為體前臨淵水

後隔佛地去寺迫近殆同伽藍凡寺邊二里本禁殺生而

家人奴婢動事漁網近寺之弊還犯憲法望請便入西寺

令為別院原便作使令作號其名曰慈恩院東大寺僧傳

燈住位圓修類史位下有永為別當三綱在別原又作

僧字修作備

憲法志料 三篇卷六 承和 三十 司法省

本及類史改自此以後別當三綱隨檀越願令充行之者勅聽之續日本後紀

○同年十一月壬子鴨上下大神宮禰宜外從五位下原

壬子以下十五字依古本及類史補賀茂縣主廣友等款云原款作疑依古

所謂鴨川經二神社原經作從依古指南流出而王臣家

人原無人字依古及百姓等取鹿薨於北山類史北便洗

水上其末流來觸神社因茲污穢之祟屢出御卜雖加禁

制曾無順慎者勅原曾無作不曾無者勅二宜仰當國原

作自依古本及類史改迄于河源嚴加禁斷若違犯者禁其身申送

國郡司并禰宜祝等許容之者必處科續日本

類聚三代格亦載而文辭少異可合攷

○同年同月十五日太政官符

應納國庫國分二寺僧尼度緣戒牒事

右得佐渡國解備被治部省去承和十年六月十四日符

備被太政官今月四日符備檢案內太政官去弘仁四年

二月三日下同省符備右大臣藤原宣奉勅僧尼有身死

并還俗其度緣戒牒早令進省省即年終申官毀之庶令

奸人屏跡法流自澄者而今諸國請補僧尼死闕之日不

進度緣是猶所司疎畧所致也今被大納言正三位兼行

右近衛大將民部卿陸奧出羽按察使藤原朝臣良房宣

傳補國分二寺僧尼之闕先進度緣然後補之若乖此旨
 科違勅罪者今國司等加覆審僧尼度緣或隨身遊行他
 國或挾奸偽紛失因此死亡之後無由披求披恐望請準
 國司任符續收國庫其身死補替之日隨即將進官謹請
 官裁者同宜依請諸國亦宜準此類聚三代格

①同年十二月廿日太政官符

應令神戶百姓護鴨上下大神宮邊川原并野事

四至

御祖社東限寺田南限故參議左近衛大將大中臣
 朝臣諸魚宅北路末西限百姓宅地并公田
 北限槐材下里南畔并寺田

別雷社東限路并百姓宅地
 田西限鴨川北限梅原山
 南限道并百姓宅地公

右得山城國解傳依太政官去十一月四日符仰愛宕郡
 司令禁護件社邊河而郡司解傳郡中徭丁數少無人差
 充望請以在此郡神戶百姓分番令禁守若致汗穢永出
 神戶以公戶民相替補入者國加覆審所陳有實謹請官
 裁者左大臣源常宣依請類聚三代格

①同十二年三月己巳武藏國言國分寺七層塔一基以
 去承和二年為神火所燒于今未構立也前男衾郡大領
 外從八位上壬生吉志福正之之字恐行奉為聖朝欲造彼塔
 望請言上殊蒙處分者依請許之續日本紀

皇 同年五月丙辰原丙作壬勅比者涉旬不雨新苗將焦原焦作雉

依古本改時當播殖恐妨農業而今嘉雨稍降并邑赴農

不知畿外之國如渥潤何宜仰五畿內七道諸國奉幣於

名神兼每社零令祈甘雨若有雨降過度應致淫害復須

奉幣祈止如初儀續日本

皇 同年六月癸未原癸作壬依古勅令齋官寮頭并助檢

校大神官并多氣度會兩神郡雜務自今以後立為恒例

續日本後紀

皇 同年七月丁卯常陸國言依去年二月廿七日符補任

鹿嶋大神宮權官司庶務之勤不異正任而奉幣朝使只

給正任當色原祀作禮依古同官異

色望請準據正任將預給例者聽之立為恒例續日本

皇 同十三年二月甲午太政官隨僧綱牒處分從儀之僧

宜依其本數以八人為定其餘皆從停止續日本

皇 同年八月丙戌勅曰珠宮瓊室珠古本作瑤帝王之都

未出塵籠紫府丹臺神仙之窟終言燬宅居之鞅掌於龍

圖栖之辛勤於鶴背道之囚真之俘可以出可以去朕翹

誠道素住思真玄已因少日之久情更益中年之篤志問

達士口謀傳法之由案名山記覓建祠之處於是遇彼幽

爽副斯勤求高岑東峙者關山之形勝匪殊懸途西通王

舍城之風煙相接。此則天台之上界。銀地之道場。松柏數步隔牆。原隔作榻。依類史改。雲霞一色連院。經行同徑。盥嗽共泉。德也不孤。歸斯隣之有仁。道之將開。遇此山之無主。爰鐘爰籥。乃正乃平。役人於嶮高。勸之則如來之力。伐木於幽邃。運之則菩提之功。不日而成。蓋在茲乎。爾乃土木之細工。終焉金檀之擘容畢矣。原擘作辟。依類史改。所配之人。禪定之十仙。所行之道。般若之一乘。原一作二。依古本及類史改。事息境幽。三業之言行律全。地高風動。六時之鐘梵聲遠。夫利己者利他之根。自邇者及遠之本。近則上護國家。下覆人民。比常樂之樂邦。等壽仙之壽土。遠則廟主宗靈。原廟主作廣。依類史改。有識無

識三惡趣。一闡提。共始于因。同終于果。噉呼不誑語者也。

原無語字。依類史補。實語者也。朕此心誓。必不虛損。原作唐捐。依類史改。其寺

家流例。檀施色目。別有勅旨。下於所司。唯記來由。貽之于

後。先是天皇建定心院於延曆寺。故今日有此勅。續日本後紀

皇同年十月廿七日。太政官符。

應行佛名懺悔事

右內典有禮懺之法。所以改往脩來。滅惡興善者也。人之在世。恒與罪俱。已因三業而成過。亦從六根而致咎。罪相所緣。若干無數。唯應漸愧而陶出。我心豈合覆藏而滋漫。他魔夫萬三千之寶號。二十五之尊名。聽之者。憂勞自脫。

仰之者煩郭永除枯暴河之鹿水斫羈鎖之剛金大矣至
 哉淨業不可得而稱自承和初有勅每到年終大內常修
 此法護持寰宇饒益黎甿雖恩情慊切已無厚薄而功德
 霑濡恐殊內外大納言正三位兼行右近衛大將民部卿
 藤原朝臣良房宣奉勅宜令天下一種修行令四方萬民
 共心者諸國須每年自十二月十五日迄十七日三箇日
 夜別於廳事灑掃粧嚴屈部內名德七僧禮懺佛名大乘
 凡慈悲為佛性敬信是道場宜齋會之間禁制殺生長官
 率僚下盡誠致信如法祇奉其布施者三寶穀七斛衆僧
 各六斛供養準例並用正稅政事要略引

○夏同年十二月丙申勅延曆寺定心院三寶并梵王帝釋

供養料每日白米壹斗伍升伍合僧拾人原拾作十依古本及類史改

每日白米陸斗肆升燈分油每日貳合宜仰近江國永令

支辦其料割正稅參萬束出舉以其息利充之若有未納

原未作國依古本及類史改以正稅利先填此色事須每年計日支度

春運其功績原績作債依類史改準例亦充之燈分油以米交易歲

終惣送細注用度并色數原色作遺依類史改長官勾當周匝祇濟

長官不在次官亦同每季取領狀即申官如致違怠類史違作

遺不預節會自今以後立為恒式續日本後紀

○夏同十四年二月甲申原甲作庚依一本改擇有智行者於延曆寺

始置定心院十禪師勅曰僧等每日各轉大般若經二卷共盡一部終而復始六時亦如法修行其預宮中最勝會并臨時公請者廻到之後隨日追填轉經之數十禪師若有闕擇才行共備人衆所推者申官補之續日本後紀

○同年三月廿二日太政官符

應補神琴生一人事

右得神祇官解僦檢案內去寶龜四年十二月四日格僦

右大臣大中臣清麻呂宣奉勅神琴生二人令神祇官擇定傳習

其考準神部者而頃年漏失殆絕彼道望請依格補之令習件琴謹請官裁者左大臣源常宣奉勅定置一人古本類聚三代

四格

○同年閏三月八日太政官符

應令常住寺十禪師共檢校寺家雜務并糾正濫行事

右彼寺十禪師傳灯大法師位願修等表僦件寺迫近皇城男女多濫仍去天長年中特簡諸大寺僧始置十禪師尋其本意將誓護國家住持伽藍而頃年別當三綱主從混雜各營房舍必無顧堂塔破損濫行還汚十師望請自今以後永傳別當十師俱理又其綱維者同共推擇言上任用者以納言正三位兼行右近衛大將民部卿藤原朝臣良房宣奉勅依請宜寺家之事一委十師更相檢察禁

督濫行永為將律之場持將恐使務護國之營代格類聚三

皇 同年七月三日太政官符

應令填進諸國神稅帳勘出物事

右得神祇官解備檢諸國所進神稅帳勘出之物觸類多
數須申官令填納而檢承前之例取稅帳使等期狀勘帳
畢狀移送民部省而使等每年相替不勞先事因茲勘出
之物經年無填望請準民部治部等省例申官令填納謹
請官裁者大納言正三位兼行右近衛大將民部卿藤原
朝臣良房宣依請代格類聚三

皇 同年十二月丙辰勅大和國城上郡長谷山寺高市郡

壺坂山寺元來靈驗之蘭若也宜付所司編為定額原司編作

由綸依古本改永以官長令檢校也續日本後紀

皇 同十五年即嘉祥元年二月辛亥正一位勳一等賀茂御祖

大社禰宜外從五位下鴨縣主廣雄等歟云去天平勝寶
二年十二月十四日奉充御戶代田一町自爾以降未被
奉加因茲年中用途乏少請準別雷社加增御戶代田一
町勅許之續日本後紀

皇 同天皇嘉祥元年十一月己未下野國言藥師寺者天
武天皇所建立也體製巍巍宛如七大寺資財亦巨多坂
東十國得度者咸萃於此原萃下有之而只有別當無講

讀師令國講師勾當雜事求諸故實未覩所由望請準太宰府觀音寺原音作青依古本及類史三代格改簡擇戒壇十師之中智行

具足為眾所推者充任講師便為受戒之阿闍梨三代格受作授

勅講師依請任之但讀師臨事次第充用彼寺僧中智行

備者別當之職早從停止續日本後紀

○真同二年正月辛巳傳燈大法師位壽寵言以伊勢國多

度大神宮法雲寺為真言別院即為護國家兼奉饒大神

者依請許之續日本後紀

○真同年二月壬辰勅從三位松尾大神社禰宜祝等預把

笏之例續日本後紀

○真同年同月庚戌陰陽寮言今年疫癘可滋又四五月應

有洪水者勅頃來深疫之人往往夭亡夫護防之時原防

特作特並依類史改實賴真威存濟之方亦期梵力且令五畿內七

道諸國奉幣名神兼復於國分二寺及定額寺一七箇日

書轉經王夜禮觀音如法修行必呈靈感類史呈作有續日本後紀

○真同年閏十二月五日太政官符

應修理莊嚴定額寺堂塔雜舍及佛像經論事

右檢案内太政官去天平六年□月十四日符傳諸寺佛

像經卷安置穢所露當風雨理不可然宜取集安置淨寺

一處以令施香禮拜供養若檀越等請置淨所供養為許

之者。又弘仁十三年十二月廿六日符。傳檢去延曆十五年三月廿五日格。傳諸國定額寺資財者。國司與三綱檀越共檢校處分其任。三綱者依檀越衆僧請。國司覆勘充任。若寺家破壞及有餘犯失者。推問所舉衆僧檀越等。依法科罰者。又檢延曆十四年十二月廿七日格。傳三代格部內諸寺講師國司相共檢校者。今右大臣藤原冬嗣宣奉勅如聞定額道場多有蕪穢。或堂舍破損寺容露曝容恐或資財亡失伽藍爲墟。此則一網恐三非其人。壇越倦修蓋之所致也。一國道衆講師所領諸寺雜事。理須兼知。仍可檢校狀。先下知訖。而曾不遵行。令致此敗。雖則三綱之

可責。豈非講師之怠慢。宜自今已後。一事已上。相共預知。修理莊嚴。除利田外。輒費資物者。準其犯贓科罪。令填若不存。勘知令損寺家者。隨即留講師解由。仍備償之後。放還。又充三綱者。講師者。諸國承知立爲永例。自餘事條。一依前格。旨今被右大臣藤原良房宣傳奉勅。修福滅罪。佛恐教爲二字。先傳法興教人倫爲本。如聞諸國定額寺堂舍破損。佛經曝露。三綱檀越無心修理。其田園之利。必充寺用。頃年或水旱不調。或疫疾間發。靜言其由。緣彼本。下知諸國勿更令然。仍須。寺立可修理之程。附朝集使言上其料。充寺家田園地子。若或寺元來無田園地子。具勘

録支度帳早速言上隨即裁下國司講師不加檢校猶致
破壞及三綱擅越習常不革必科違勅罪曾不寬恕政事要略

引交替式
①同三年正月丙午勅鎮國家攘疫癘佛力賴之宜令五
畿内七道諸國修灌頂經法續日本後紀

憲法志料三篇卷六終

櫻井友二郎校



